



REPUBLIKA E SHQIPËRISË
KOMISIONI I PROKURIMIT PUBLIK

Nr. 2480/17 prot.

Datë 11.01.2024

V E N D I M

Nr. 47/2024

Komisioni i Prokurimit Publik, i përbërë nga:

Jonaid Myzyri	Kryetar
Kreshnik Ternova	Anëtar
Anila Malaj	Anëtar

Në mbledhjen e datës 11.01.2024, mori në shqyrtim çështjen me,

Objekt:

Mbi zbatimin e vendimit të Komisionit të Prokurimit Publik Nr. 1314/2023, datë 15.12.2023 për procedurën e prokurimit “Procedurë e hapur, e thjeshtuar” me Nr. **REF-77239-08-10-2023**, me objekt **Objekti i kontratës / Marrëveshjes Kuadër: “Blerje Tuba dhe Materiale konsumi laboratorike për nevoja të SRV” ndarë në 2 (dy) Lote - Marrëveshje Kuadër me disa operatorë ekonomikë (një OE të vetëm të suksesshëm për secilin lot)- ku të gjitha kushtet janë të përcaktuara - me afat 12 muaj”, Loti 2 REF-77243-08-10-2023**, Loti 2 “Blerje materiale konsumi për laboratorin Anatomico- Patologjike” (në zbatim të kontratës koncesionare të laboratorëve), me fond limit Loti 2: 3,703,070 (Tre milion e shtatëqind e tre mijë e shtatëdhjetë) Lekë pa TVSH, zhvilluar më datë 25.09.2023, nga autoriteti kontraktor, Spitali Rajonal Vlorë.

Shfuqizimi i vendimit të Komisionit të Vlerësimit të Ofertave mbi skualifikimin e ofertës të paraqitur nga operatori ekonomik “ALMedical” SHPK në procedurën e prokurimit të sipërcituar.

Lënien të skualifikuar si edhe shtim të arsyeve të skualifikimit të ofertës së paraqitur nga operatori ekonomik “Distributor of Medical Devices Group” SHPK.

Ankimues:

“Distributor of Medical Devices Group” SHPK me NIPT L81422033E dhe adresë Adresa: Njësia nr. 8, Rruga “Siri Kodra”, Objekti nr. 198-Tiranë.

Operatori ekonomik “ALMedical” SHPK me NIPT K21511002I dhe adresë Adresa: Rruga “Shefqet Musaraj”, Banesa nr. 17, Tiranë

Autoriteti Kontraktor:

Spitali Rajonal Vlorë
Adresa: Lagjja “Partizani”.

Baza Ligjore:

Ligji nr. 162/2020 “Për Prokurimin Publik”, Vendimi i Komisionit të Prokurimit Publik Nr. 766/2021, datë 13.10.2021 “Për miratimin e rregullave “Për Organizimin dhe Funksionimin e Komisionit të Prokurimit Publik”, Neni 4, i Vendimit të Komisionit të Prokurimit Publik nr. 500/2020 datë 5.11.2020 “Rregullore për Marrjen e Masave Organizative për Ushtrimin e Veprimtarisë së Institucionit të Komisionit të Prokurimit Publik gjatë gjendjes së pandemisë së shkaktuar nga COVID -19”.

Komisioni i Prokurimit Publik, pasi shqyrtoi dokumentacionin e çështjes dhe e diskutoi në tërësi,

Vëren:

I

Rrethanat e çështjes

I.1. Në datë 15.12.2023, Komisioni i Prokurimit Publik mori vendimin Nr. 1314/2023, ku vendosi:

1. Të pranojë ankesën e paraqitur nga operatori ekonomik “Distributor of Medical Devices Group” SHPK për procedurën e prokurimit “Procedurë e hapur, e thjeshtuar” me Nr. **REF-77239-08-10-2023**, me objekt **Objekti i kontratës / Marrëveshjes Kuadër: “Blerje Tuba dhe Materiale konsumi laboratorike për nevoja të SRV” ndarë në 2 (dy) Lote - Marrëveshje Kuadër me disa operatorë ekonomikë (një OE të vetëm të suksesshëm për secilin lot)- ku të gjitha kushtet janë të përcaktuara - me afat 12 muaj”, Loti 2 REF - 77243-08-10-2023, Loti 2 “Blerje materiale konsumi për laboratorin Anatomo-Patologjike” (në zbatim të kontratës koncesionare të laboratorëve), me fond limit Loti 2:**

3,703,070 (Tre milion e shtatëqind e tre mijë e shtatëdhjetë) Lekë pa TVSH, zhvilluar më datë 25.09.2023 nga autoriteti kontraktor, Spitali Rajonal Vlorë.

2. Autoriteti kontraktor të rishikojë arsyet e skualifikimit të operatorit ekonomik “Distributor of Medical Devices Group” SHPK, të korrigojë shkeljet e konstatuara, si dhe të kryejë veprimet procedurale në lidhje me zbatimin e konstatimeve të mësipërme.
3. Të pranojë pjesërisht ankesën e paraqitur nga operatori ekonomik “ALMedical” SHPK për procedurën e prokurimit më sipër cituar.
4. Autoriteti kontraktor brenda 5 ditëve të vërë në dijeni Komisionin e Prokurimit Publik për zbatimin e vendimit, duke dokumentuar veprimet e kryera.
5. Ngarkohet zyra e financës që të bëjë kthimin e tarifës financiare të paguar nga operatori ekonomik “Distributor of Medical Devices Group” SHPK.
6. Ngarkohet zyra e financës që të bëjë kthimin e tarifës financiare të paguar nga operatori ekonomik “ALMedical” SHPK.
7. Kundër këtij vendimi mund të bëhet ankim në Gjykatën Administrative të Apelit.
8. Kopje e këtij vendimi i dërgohet për njoftim Agjencisë së Prokurimit Publik.

Ky vendim hyn në fuqi menjëherë.

I.2. Me shkresën nr. 4971 prot., datë 21.12.2023, protokolluar me tonën nr. 2468/16 prot., datë 26.12.2023, autoriteti kontraktor Spitali Rajonal Vlorë informon se: “Në përgjigje të vendimit tuaj nr.1314/2023 datë 15.12.2023 në lidhje me shqyrtimin e ankesës së operatorëve ekonomië “Distributor of Medical Devices Group” SHPK dhe “ALMedical” SHPK, fillimisht personi përgjegjës i autorizuar në sistem ka kthyer procedurën nga procedurë e anuluar në procedurë në proces. Komisioni i Vlerësimit të Ofertave për arsye të mungesës së një prej anëtarëve të tij për shkak të marrjes së raportit për paaftësi në punë u zëvendësua me një anëtar të ri në SPE me UB nr.4916 datë 19.12.2023. Komisioni i Vlerësimit të ofertave pasi u akësua në sistemin e prokurimit publik shqyrtoi vendimin nr. 1314 të Komisionit të Prokurimit Publik dhe korigjoi arsyet dhe argumentet e konstatuara të cilat janë pasqyruar në procesverbalin e rivlerësimit. Bashkëlidhur këtij informacioni, të gjithë dokumentet e sipërmendur në lidhje me procedurën Loti 2 “Blerje materiale konsumi për laboratorin Anatomo- Patologjike” (në zbatim të kontratës koncesionare të laboratorëve).

-Procesverbalë i rivlerësimit nr. 4969 prot., me datë 21.12.2023.

-Urdhër i brendshëm nr.4912 datë 19.12.2023.

- Urdhër i brendshëm nr.4916 datë 19.12.2023.

-fotokopje të e-mail datë 19.12.2023.

II

Komisioni i Prokurimit Publik

Pasi shqyrtoi dokumentacionin e mësipërm,

Arsyeton:

II.1. Me shkresën nr. 4971 prot., datë 21.12.2023, protokolluar me tonën nr. 2468/16 prot., datë 26.12.2023, autoriteti kontraktor Spitali Rajonal Vlorë informon se: *“Në përgjigje të vendimit tuaj nr.1314/2023 datë 15.12.2023 në lidhje me shqyrtimin e ankesës së operatorëve ekonomië “Distributor of Medical Devices Group” SHPK dhe “ALMedical” SHPK, fillimisht personi përgjegjës i autorizuar në sistem ka kthyer procedurën nga procedurë e anuluar në procedurë në proces. Komisioni i Vlerësimit të Ofertave për arsye të mungesës së një prej anëtarëve të tij për shkak të marrjes së raportit për paaftësi në punë u zëvendësua me një anëtar të ri në SPE me UB nr.4916 datë 19.12.2023. Komisioni i Vlerësimit të ofertave pasi u akësua në sistemin e prokurimit publik shqyrtoi vendimin nr. 1314 të Komisionit të Prokurimit Publik dhe korigjoi arsyet dhe argumentet e konstatuara të cilat janë pasqyruar në procesverbalin e rivlerësimit. Bashkëlidhur këtij informacioni, të gjithë dokumentet e sipërmendur në lidhje me procedurën Loti 2 “Blerje materiale konsumi për laboratorin Anatomo- Patologjike” (në zbatim të kontratës koncesionare të laboratorëve).*

-Procesverbalë i rivlerësimit nr. 4969 prot., me datë 21.12.2023.

-Urdhër i brendshëm nr.4912 datë 19.12.2023.

- Urdhër i brendshëm nr.4916 datë 19.12.2023.

-fotokopje të e-mail datë 19.12.2023.

II.2 Nga verifikimet e kryera në Sistemin e Prokurimeve Elektronike, në lidhje me zbatimin e vendimit të Komisionit të Prokurimit Publik, u konstatua se autoriteti kontraktor nuk ka kryer rivlerësimin për procedurën e prokurimit objekt shqyrtimi në përputhje me konstatimet në vendimet KPP. 1314/2023 datë 15.12.2023, duke rivlerësuar operatorët ekonomikë pjesëmarrës në procedurën e prokurimit të sipërcituar, referuar konstatimeve të këtij vendimi. Pra, nuk është bërë një zbatim i drejtë dhe korrekt i vendimit KPP. 1314/2023.

Konkretisht nuk është zbatuar plotësisht pika e dispozitivit:

- Autoriteti kontraktor të rishikojë arsyet e skualifikimit të operatorit ekonomik “Distributor of Medical Devices Group” SHPK, të korigjojë shkeljet e konstatuara, si dhe të kryejë veprimet procedurale në lidhje me zbatimin e konstatimeve të mësipërme.

- Të pranojë pjesërisht ankesën e paraqitur nga operatori ekonomik “ALMedical” SHPK për procedurën e prokurimit më sipër cituar.

pasi anëtarët e Komisionit të Vlerësimit të Oferta nuk kanë kryer vlerësimin në mënyrë unanime në Sistemin e Prokurimeve Elektronike në përputhje me konstatimet në vendimin KPP.1314/2023, datë 15.12.2023, për operatorët ekonomikë “Distributor of Medical Devices Group” SHPK dhe “ALMedical” SHPK. Gjithashtu, Komisioni konstatoi se, nga veprimet e rivlerësimit nga ana e Komisionit të Vlerësimit të ofertave, i ka kualifikuar të dy operatorët ekonomikë ankimues.

Përsa më sipër, në mbështetje të ligjit nr. 162/2020 “Për Prokurimin Publik”, Vendimit të Këshillit të Ministrave nr. 285, datë 19.05.2021 “Për miratimin e rregullave të prokurimit publik”, i ndryshuar, nenit 46 të Vendimit të Komisionit të Prokurimit Publik Nr. 766/2021, datë

13.10.2021 “Për miratimin e rregullave “Për organizimin dhe funksionimin e Komisionit të Prokurimit Publik”, nenit 4, të Vendimit të Komisionit të Prokurimit Publik nr. 500/2020 datë 5.11.2020 “Rregullore për Marrjen e Masave Organizative për Ushtrimin e Veprimtarisë së Institucionit të Komisionit të Prokurimit Publik gjatë gjendjes së pandemisë së shkaktuar nga COVID -19”, Komisioni i Prokurimit Publik, njëzëri,

Vendos:

1. Të mos lejojë autoritetin kontraktor për vijimin me hapat e mëtejshëm të procedurës së prokurimit “Procedurë e hapur, e thjeshtuar” me Nr. **REF-77239-08-10-2023**, me objekt **Objekti i kontratës / Marrëveshjes Kuadër: “Blerje Tuba dhe Materiale konsumi laboratorike për nevoja të SRV” ndarë në 2 (dy) Lote - Marrëveshje Kuadër me disa operatorë ekonomikë (një OE të vetëm të suksesshëm për secilin lot)- ku të gjitha kushtet janë të përcaktuara - me afat 12 muaj”, Loti 2 REF -77243-08-10-2023, Loti 2 “Blerje materiale konsumi për laboratorin Anatomo- Patologjike” (në zbatim të kontratës koncesionare të laboratorëve), me fond limit Loti 2: 3,703,070 (Tre milion e shtatëqind e tre mijë e shtatëdhjetë) Lekë pa TVSH, zhvilluar më datë 25.09.2023 nga autoriteti kontraktor, Spitali Rajonal Vlorë.**
2. Autoriteti kontraktor të rivlerësojë procedurën e prokurimit të sipërcituar, referuar konstatimeve të vendimit nr. 1314/2023, datë 15.12.2023 të Komisionit të Prokurimit Publik, për për secilin nga operatorët ekonomikë pjesëmarrës.
3. Kopje e këtij vendimi i dërgohet për njoftim Agjencisë së Prokurimit Publik.
Ky vendim hyn në fuqi menjëherë.

KOMISIONI I PROKURIMIT PUBLIK

Anëtar

Anëtar

Kreshnik Ternova

Anila Malaj

Kryetar

Jonaid Myzyri

